

立法會扶貧小組委員會
政策主題：殘疾人士的貧窮情況

卓新力量意見書

智障人士在貧窮人士當中，甚至是殘疾人士當中，我們的貧窮問題是最難解決的，因為智障朋友要面對的不單是就業問題，就算有工作都得不到基本保障，包括工資、教育、在職培訓、勞工保障、醫療保險等。

不過智障朋友的貧窮問題也是最易解決的，因為我們的獨立生活最被漠視，被視為受保護的一群，只要將我們全部送入 1150 人的院舍裡面，接受照顧及監護，人們便只關注增撥資源的問題——我們連「貧窮」的資格都沒有！

所以要我們智障朋友脫貧，便要先尊重我們的成人身份，不能因我們的不同智力而漠視我們的意願及表達。其實有工做是否就等於脫貧呢？

我們有智障朋友打了十年工，收入僅過最低工資，無須啟動「生產能力評估」。雖然有適合他的進修課程，但多年來獲機構推薦下，院校有位也不取錄他。

請問作為一個有特殊學習需要的僱員，可以到哪裡繼續進修從而脫貧呢？

還有智障朋友雖然做了多份工，仍得不到最低工資的保障，就算啟動「生產能力評估」也沒用。不單沒有在職培訓及進修，連勞工法例也搞不清楚。

請問「生產能力評估機制」是否應取消呢？

甚至有智障朋友一直在庇護工場工作，雖然他們以為有糧出，但政策上他們只是學員，只有訓練津貼。請問已經運作超過四十年的工場制度是否需要更新？

其實我們的貧窮不單止是經濟問題，其實也源自制度，而制度又源自我們的觀念及態度，所以我們先要更新對智障人士的觀念，因此本會有以下建議：

1. 政府要為接受生產能力評估的殘疾人士提供薪金補貼，否則便
2. 要廢除生產能力評估機制；
3. 政府應列出殘疾人士的生活質素數據；

最後，政府要成立殘疾事務委員會，以人權而非福利角度審視現行扶貧政策，以確保符合《殘疾人權利公約》的原則。

陳俊傑

24.2.2015

我係許偉民，有輕度智障特色，已經在特殊學校、殘疾人士職業訓練中心畢業。我今年 36 歲，由 2001 年我 22 歲開始，我就在公開就業。

開始時，我先做義工、兼職，曾在民政署、康文署及香港展能藝術會工作：

1. 民政署做街通清潔巡查，4 小時有 HK\$35 津貼；
2. 康文署做清潔工人，返工夜班，11:00pm 才放工，月薪 HK\$5,000.00；
3. 現職香港展能藝術會做辦公室助理，5 日上班，月薪 HK\$5,800.00 (我是 2011 年在職豁免的一群)。

返工 14 年，曾經去過勞工處展能就業科介紹，但轉介工作不成功，做過三份工作，到現在都未能得到最低工資，不知道勞工法例，更沒有甚麼在職培訓或進修。我現在與父母同住，所以不用交租、水、電、煤等。但若父母退休，冇收入，我這份收入，連自己也難養活，如何照顧父母？！

我係香港市民，有香港身份證，有返工，我應該有最低工資保障，我要活得有尊嚴，要得到平等對待，政府要取消生產能力評估機制。

我要自己獨立自主生活，自己理財，不想父母擔心我能力不足，我要脫貧，我要進修，我要度身的就業支援！

許偉民

大家好，我是袁見明，今年 28 歲。我是一個中度智障、學習遲緩和懷疑有自閉特色。

我在 1999 年至 2002 年讀保良局青衣中學（技能訓練）、到 2002 年至 2005 年讀屯門職業訓練局，在 2005 年畢業。

我在 2005 年 6 月開始做第一份工，送外賣、派傳單、洗碗等等……人工是時薪\$15。雖然是辛苦，但我都有工作經驗。

我在 2006 年 8 月 1 日做第二份工是活動助理，我最初人工是\$5000，我好高興得到最低工資的保障，現時我人工是\$7290，但我都給一半家用屋企，而且我會儲錢，我會帶飯。雖然我有好多不同的特色，但我都有擺殘疾津貼，但我都有\$2 優惠搭交通工具。

但我好想同你講點解我想報讀「智障人士服務證書課程」，但我已經報咗兩年都唔收。即使機構推薦我兩年去讀，明明有空位但都唔收我，請問作為一個有特殊學習需要的僱員，可以去邊度繼續進修，等我可以脫貧。我做咗 9 年工作，但我都有機會有進修課程，我見到連社工都有得讀進修課程。

袁見明

.....

我係陳少霞，我有輕度智障及精神障礙。我返麥當勞，我住機構辦嘅自負盈虧嘅小型家舍，每個月交 HK\$3,750 租。每個月我賺約 HK\$6,000，我亦有每月\$1,755 傷殘津貼，但係我每年都有三個唔同專科覆診。

因為有最低工資，2011 年開始我就冇再擺綜援，但係我返工返咗 13 年，從來冇機會進修，更加唔知乜嘢係勞工法例，強積金供款完全唔知係乜，我又冇買醫療保險。

雖然我享受到時薪最低工資，但係我擺唔到每月\$7290。

我要有醫療保險，我要有人解俾我知勞工法例和強積金制度，做咗嘢咁耐，從來有機會進修，我有\$，又有課程啱我讀！咁我成世都係窮人！

陳少霞

我是譚嘉敏，我父母都已經退休，現在祇靠他們年青時的儲蓄過活。

我現時住在復康機構營運的自負盈虧宿舍，靠綜援度日，每月付租\$3,000！

作為一個智障成人，我在庇護工場訓練已超過 15 年，當中祇有不超過 5 年有輔助就業，在半公開的工作環境返工，現在因為未有合適的工作，又回到工場訓練，每月獲得約\$1000 的訓練津貼！

唉！又變成學員，都唔知幾時先學完？！冇資格講最低工資，冇強積金，醫保買唔到！

我有 D 朋友連個人銀行戶口都開唔到，或要用家長個名去開戶口，又或要去多幾間銀行求問！

點解搞成咁，連出津貼都冇自己戶口，要家長代勞，冇\$等於冇錢，我哋究竟係唔係成年人？

雖然我現在住宿舍，但我其實想返屋企住，現在的社會保障制度，係拆散家庭。

我唔想成世攞綜援，我要有工返，有糧出！工場訓練，冇強積金，又唔係真係返工，更加唔使講退休，咁我同工場 D 朋友係未要窮死一世呢？

我係黎泰耀返工科技大學農輝學校畢
業賣馬會區智小西灣工場抹車組15年
出糧\$2,500傷殘津貼\$1,755每月食飯\$1,200
搭車\$200每日得\$90元用

黎泰耀工場返工冇最低工資
冇錢交租，冇錢俾家用

黎泰耀返工要錢多，錢
我要有最低工資要
自己住屋企人平
自己努力加油
銀行簿
謝

黎泰耀

2015年2月23日